



UNIVERSITÄTS-  
BIBLIOTHEK  
PADERBORN

**ITINERARI[I] || ITALIAE || RERVMQ. ROMANARVM || LIBRI  
TRES ||**

**Schottus, Franciscus**

**Antverpiae, 1600**

Veronensis Ager.

---

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

## VICENTIA.



ICENTIA ut nunc appellant,  
veteres tamen Romani Vicetiam  
dixere, veluti antiqua marmora  
demonstrant: antiquitate cum  
ceteris eius tractus vrbibus certat;  
condita, quemadmodum Sex.

Pompeius Trogus affirmat, à Gallis, cum Mediolano, Como, Verona, Brixia, Bergamo, quos Tarquinij Prisci Rom. regis temporibus Tuscos ex iis regionibus pepulisse Liuius libro v. memorat.

Spectabis vrbis in primis forum, ac prætorium magnificentissimum; atque perges deinde ad Prædicatorum fratrum cœnobium; ut videas in eius ornatissimo templo sacrâ illam spinam ex corona Christi Seruatoris nostri; quam à D. Ludouico Francorum rege dono acceptam Bartholomeus Vicetinus eiusdem vrbis Episcopus, atque ordinis Prædicatorum, in hoc olim templo dedicauit, ubi cum magna religione seruatur. Vrbis denique situm, ædificiaque perlustrabis, quæ à duobus amnibus ibidem confluentibus irrigatur, habetque mercium, rerumque omnium inferendarum magnam commoditatem ex agro illo Gallico circumquaque frumenti, vini, olei, fructuumque, quæ terra producit, omnium feracissimo.

## VERONENSIS AGER.

Hinc videas incultos, & lapidosos Veronensis campos, qui ante Veronam in collibus positam milia passuum viginti patent; & celebres sunt maximis summorum ducum aliquot victoriis, aut cladibus. Referunt enim Sa-

B 5 binum

binum Julianum Imperium inuidentem à Ca-  
rino Cæsare in iisdem campis victum & occi-  
sum fuisse, atque Odouacrum Herulorum &  
Turcilingorum regem, qui Augustulo depulso  
Italiæ regnum per vim occupauerat, & aliquot  
per annos eam tyrannide oppresserat, à Theo-  
derico Ostrogothorum rege triduano prælio  
debellatum fuisse; cæsum item postea Lam-  
bertum Guidonis Spoletani regis filium cum  
quatuordecim Hungarorum milibus à Beren-  
gario: nec multos post annos ab Hugone Arela-  
ensi, Arnoldum Bauarię ducē cum paratissimo  
Germanorum exercitu, quem Veronenses pri-  
mi regem Italæ contra Hugonem appellatum  
specie triumphantis intra mœnia receperant.  
Deuidum in iisdem campis etiam à Rudolpho  
Burgundo Berengarium alterum, Italięq; regno  
priuatum: Auorum denique patrumque memo-  
ria magnis sæpè præliis in illo camporum tra-  
etu de Italæ principatu fortuna varia certatum  
fuisse. Ceterū, quod Blondus scribit C. Ma-  
rium Cimbros ac Teutones in Italiā irrum-  
pētes ibidem ultimo prælio deleuisse, incertum  
& obscurum est, cum varient mirum in mo-  
dum auctores in eius tam famosi prælij loco  
describendo. Nec temerē quidem hoc dixerim.  
Fragmenta etenim Liuij libro LXVII produnt,  
ab Athesis fluminis, quem obsederat, ripis  
Q. Catulum procos. à Cimbris fuisse deiectum;  
& accedente paulò post cum nouo exercitu  
C. Mario, hostes prælio victos, quo cæsa cen-  
tum quadraginta milia, capta sexaginta sunt  
milia. Si Romanæ historiæ principem, Liuum  
integrū haberemus, haud dubiè quid certi nobis  
de tam ingētis prælij loco constaret. Sex. Julius  
Frontinus in saltu Tridentino Q. Catuli exer-  
citum Cimbris cessisse demonstrat libro stra-  
tagematum quarto. Nec non Valerius Maxi-  
mus

mus lib. v. cap. VIII. ad Athesim Cimbronum  
impetu Romanos equites pulsos, & deserteros Ca-  
tulo procos. ad urbem fugisse scribit. L. Florus,  
qui Livium in historia quam maximè sequi vi-  
detur, Cimbros per hiemem scribit Tridentinis  
iugis in Italiam prouolutos velut ruina descen-  
disse. Athesim flumen non ponte, nec nauibus;  
sed primum vado, corporibus, ac clypeis frusta  
tentasse, ac demum ingesta silua obrutum tran-  
silisse. In Venetia moram trahentibus, ac fero-  
citer diem pugnae postulantibus Marium mox  
alterum sequentem dedisse, eosque in patentissi-  
mo, quem Caudium vocant, campo prælio  
in signi prostrauisse. Velleius Paternulus, &  
auctor de viris illustribus, locum prælij expri-  
mentes, eodem quasi nomine, Floro consentire  
videntur; quamvis in appellatione varient non-  
nihil exemplaria, quemadmodum librarij im-  
peritiores in propriis nominibus cespitare fre-  
quenter solent. In quibusdam enim iam dicto-  
rum auctorum exemplaribus *Claudius* campus  
vocatur, in aliis *Caudius*; verum in Velleianis  
quibusdam *Raudus*, ubi legimus in quinto Marij  
consulatu gentem excisam Teutonum in cam-  
pis, quibus nomen erat Raudis. Et placet hæc  
significantior & propria magis appellatio; cor-  
rigendaque mihi videntur in eo nomine Flori,  
& Auctoris de illustribus viris exemplaria. *Raudos*  
enim aptè Veronenses, aliosque montibus sub-  
iectos campos vocamus vetusta voce, quasi ru-  
des, asperos, & saxosos: quandoquidem saxum  
ipsum quoque raudus nominare solēt antiqui,  
ut Sex. Pompeius ex Attio comico probat. Ex  
his, ni fallor, auctoriibus Blondus aliquique colli-  
gunt, in Veronensibus campis admodum aspe-  
ris cædem Cimbricam contigisse. Ceterum  
Plutarchus, licet in Apophthegmatis Romanis  
*Catuli exercitum ad Athesim scribat à Cim-  
bris*

bris pulsū fuisse; in C. Marij tamen vita, stū-  
rium illum A: hisonem appellat, & locum pīc-  
lii Cimbris Marium designasse planicie apud  
Vercellas oportunam Romanis ad equitādum,  
& barbarorum multitudini ad iactātiam suam.  
An librariorum item imperitia hīc nomina,  
pro Athesi Athisone, & pro Verona Vencellis supposi-  
tis, mutata sint, peritioribus iudicandum relin-  
quo. *Auisonis* nescio an quispiam veterum men-  
tionem faciat. In historia belli reliqua tamen  
Plutarchus non admodum discrepat à Liuio,  
Floro, ceterisque. Immanes videlicet illas va-  
riarū nationum copias in Gallis diuisas fuisse:  
ex his Teutonas & Ambrones contra Mariū  
per Lingonas contendisse, & non procul ab Al-  
pibus cælos ad aquas Sextias esse: agmina vero  
Cimbrorum in Noricos; atque inde perrexisse  
ad Alpes contra Catulum. Hos secutos item Ti-  
gurinos, Florus consentit. Paullus Orosius tri-  
bus agminibus barbaros tum Italiam petuisse  
tradit; sed quibusnam in locis Alpes transcen-  
dere voluerint, non exprimit. Palam tamen  
est, diuersis itineribus transitum tentasse, &  
tam ultra, quam citra Alpes cælos fuisse; citra  
quidem in Venetis inter Padum & Athesim in  
Raudis campis, tot iam dicti auctores conser-  
tiunt, qui Tridentinas Alpes transiisse in Ita-  
liam Cimbros volunt: Plutarchus autem an-  
correctus sit, & quomodo nam conciliari his  
poterit, studiosis discutiendum relinquo.

## VERONA.

**V**eronæ vicinum templum nouum Diuæ  
virginis Deiparæ Mariæ inuises, quod &  
structuræ magnificentia, & crebris miraculis  
valde est celebre.

Vrbem deinde ingressus, perlustrabis forū, cu-  
riam,